

S2651-7

893

千金方衍義十五



孫真人千金方衍義卷十二

長洲張璐路玉著

南沙席世臣郢客校

膽腑方 凡七類

膽腑脈論第一

論一首

論曰膽腑者主肝也肝合氣於膽膽者中精之腑也

難經云膽者清淨之腑甲乙云中精之腑號將軍決曹吏重三兩三銖長

三寸三分在肝短葉間下貯水精汁二合難經作三合能

怒能喜能剛能柔目下果大其膽乃橫凡膽腦髓骨

脈女子胞此六者地氣之所生也皆藏於陰而象於



地故藏而不瀉名曰奇恒之腑若胃大腸小腸三焦
膀胱此五者天氣之所生也其氣象天故瀉而不藏
此受五臟濁氣名曰傳化之腑此不能久留輸瀉者
也所謂五臟者藏精氣甲乙作神而不瀉故滿而不能實
六腑者傳化物而不藏故實而不能滿所以然者水
穀入口則胃實而腸虛食下則腸實而胃虛故曰虛
而不滿滿而不實也

左手關上陽絕者無膽脈也若膝疼口中苦眯目慈
畏如見鬼多驚少力刺足厥陰治陰在足大趾間或
刺三毛中左手關上陽實者膽實也若腹中不安身

軀習習也刺足少陽治陽在足上第二趾本節後一寸是

膽病者善太息口苦嘔宿汁心澹澹恐如人將捕之咽中介介然數唾候在足少陽之本末亦見其脈之陷下者灸之其寒熱刺陽陵泉若善嘔有苦長太息心中澹澹善悲恐如人將捕之邪在膽逆在胃膽液則口苦胃氣逆則嘔苦汁故曰嘔膽刺三里以下胃氣逆刺足少陽血絡以閉膽却調其虛實以去其邪也

膽脹者脇下痛脹口苦太息

肝前受病移於膽肝欺不已則嘔膽汁

厥氣客於膽則夢鬪訟

甲乙云夢鬪訟自刻

肝應筋爪厚色黃者膽厚爪薄色紅者膽薄爪堅色

青者膽急爪栗色赤者膽緩爪直色白無約者膽虛

爪惡色黑多敗者膽結

扁鵲云足厥陰與少陽爲表裏表清裏濁其病若實

極則傷熱熱則驚動精神而不守臥起不定若虛則

傷寒寒則恐懼頭眩不能獨臥發於元水其根在膽

先從頭面起腫至足

方見治水篇中

膽有病則眉爲之傾病人眉系傾者七日死



足少陽之脈是動則病口苦善太息心脇痛不能
側甚則面微塵體無膏澤足外反熱是為陽厥是主
骨所生病者頭痛角頷痛目銳皆痛缺盆中腫痛腋
下腫馬刀挾癭汗出振寒瘧胸中脇肋髀膝外至
絕骨外踝前及諸節皆痛小指次指不用盛者則人
迎大一倍於寸口虛者則人迎反小於寸口也
其經筋支別已具第十卷肝臟部中

膽虛實第二 脈二首 方九首 灸法二首

膽實熱

左手關上脈陽實者足少陽經也病苦腹中氣滿飲

食不下咽乾頭痛灑灑惡寒脇痛名曰膽實熱也

半夏湯 治膽腑實熱精神不守瀉熱方

半夏

宿薑

各三兩

黃芩

一兩

生地黃

五兩

遠志

茯苓

各二兩

秫米

一斗

酸棗

五合

右八味咬咀以千里長流水五斗煮秫米令蟹目

沸揚之千餘遍澄清取九升煮藥取三升半分三

服

集驗方治虛煩悶不得眠無地黃遠志有麥門冬桂心各三兩甘艸人參各二兩

行義

實則邪氣之湊熱則陽氣之併千金半夏湯本乎

靈樞治陽氣盛滿不得入於陰陰虛則目不瞑故



用半夏滌除痰涎秫米滋培氣化加宿薑茯苓佐
上二味潔淨膽腑生地黃滋水制陽素仁斂津化
熱黃芩外疏風木遠志內通壯火逐流水以不
是可是無藉葦薪之炊矣

膽虛寒

左手關上脈陽虛者足少陽經也病苦眩厥痿足指
不能搖蹻不能起僵仆目黃失精䟽䟽名曰膽虛寒
也

溫膽湯

治大病後虛煩不得眠此膽寒故也宜

服之方

半夏

竹茹

枳實 各二兩

橘皮 三兩

甘艸 一兩

生薑 四兩

右六味咬咀以水八升煮取二升分三服

茯苓 一本

兩紅棗 十二枚

衍義

虛則膽氣不充寒則痰氣搏聚故用薑半溫膽枳

茹清中甘橘鼓舞陽和開發陰凝之寒寒則痰陰

之通稱 詳半夏溫膽二湯一治實熱一治虛寒

總為濁陰阻積不能行清淨之令是以主治不出

滌飲為務而實熱反用秫米遠志虛寒反用竹茹

枳實者蓋實非膽腑之本實故需流水煮秫米以



通陰陽遠志統地黃以散實熱乃補中寓泄之法
虛寒用半夏佐生薑以散積飲竹茹輔枳實以導
旺氣旺氣除而正氣自復膽腑自溫乃瀉中寓補
之法非千金不能體內經之奧而衍無上甚深微
妙也

千里流水湯 治虛煩不得眠方

麥門冬

半夏

各三兩

茯苓

四兩

酸棗仁

二升

甘艸

桂心

黃芩

遠志

草薺

人參

生薑

各二兩

秫米

一斗



右十二味咬咀以千里流水一斛煮米令蟹目沸

揚萬遍澄清取一斗煮取二升半分三服

行義

虛煩乃津液耗散病在膈上故於半夏湯中除去

生地黃之沉降棗仁四倍以溫膽膈加人參甘蠟

門冬以滋津液草薢八肝搜風桂心佐遠志達腎

以通陰陽汗出乃已靈樞法外法也

酸棗湯 治虛勞煩擾奔氣在胸中不得眠方

酸棗仁 五升

人參

桂心

生薑 各二兩

石膏 四兩

茯苓

知母 各三兩

甘草 一兩半



右八味咬咀以水一斗先煮棗仁取七升去滓下藥煮取三升分三服日三

〔衍義〕

金匱酸棗湯治虛勞虛煩不得眠此治奔氣在胸

中故退芎藭而進桂心加人參助茯苓以降逆氣石膏佐知母以泄虛煩生薑辛散以行知母石膏之性也

治虛勞煩悶不得眠方

大棗

二七枚

葱白

七莖

右二味以水三升煮取一升去滓頓服

〔衍義〕

風熱之邪欲犯膽腑而煩悶不得眠者取葱白以

通陽氣大棗以安中精也

梔子湯

治天下後虛勞不得眠劇者顛倒懊憹

欲死方

仲景云發汗吐下後虛煩不得眠者劇者必反覆顛倒心中懊憹梔子湯主之

大梔子

十四枚

豉

七合

右二味以水四升先煮梔子取二升半內豉更煮

三沸去滓每服一升安者勿更服若上氣嘔逆加

橘皮二兩亦可加生薑二兩

衍義

下後虛煩懊憹不得眠用梔子以清膈上虛煩香

豉以治心下懊憹

治煩悶不得眠方

枸杞白皮

生地黃

各五兩

麥門冬

甘艸

前胡

各三兩

茯苓

知母

各四兩

人參

二兩

粟米

豉

各半升

右十味咬咀以水八升煮取三升七合分四服

衍義

香豉前胡以辟膈上之煩地骨地黃門冬知母以

清心下之熱人參茯苓甘艸粟米以安中州之氣

人參白虎湯中除去石膏略兼七珍之製正氣得

補則虛煩自除

治虛勞不得眠方



南京中医药大学图书馆藏

酸棗仁

榆葉 等分

右二味爲末蜜丸如梧子每服十五丸日再

衍義

棗仁溫膽腑而生津榆葉疎風木而利竅膽氣安

而眠自穩矣

又方

乾薑四兩爲末湯和頓服覆取汗愈

衍義

陽被陰埋煩不得眠則以乾薑之辛溫服取汗以

發越陽氣煩悶自已眠臥自寧

灸法

膽實熱灸濁浴隨年壯穴在俠膽脬傍行相去五寸

膽虛寒灸三陰交各二十壯穴在內踝上一犬

咽門論第三 論一首

論曰夫咽門者應五臟六腑往來神氣陰陽通塞

道也喉嚨胞囊舌者並津液調五味之氣本也不可

不研乎喉門者肝膽之候也主通五臟六腑津液神

氣應十二時若臟熱則咽門閉而氣塞若腑寒則咽

門破而聲嘶母薑酒主之

方見六卷
喉病門

熱則通之寒則

補之若寒熱調和病不生矣

髓虛實第四

論一首
方二首

論曰髓虛者腦痛不安髓實者勇口凡髓虛實之應

主於肝膽若其腑臟有病從髓生執到應臟

腑

羌活補髓丸 治髓虛腦痛不安膽腑中寒

羌活

芎藭

當歸

各三兩

桂心 二兩

人參 四兩

棗肉

研如脂

羊髓

酥 各一升

牛髓

大麻仁

各二升熬研如脂

右十味先搗五種乾藥為末下棗膏麻仁又搗相

濡為一家下二髓并酥內銅鉢中重湯煎取好為

丸如梧子大酒服三十九日二服稍加至四十九

